



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

III. Ex capite Artalus quidam colligunt Archiepiscopum Arelatensem fuisse subjectum Archiepiscopo Narbonensi. Viderunt Correctores Romani mendum heic esse, istudque caput pronuntiarunt intelligendum ...

**urn:nbn:de:hbz:466:1-15617**

## & Imperij Lib. V. Cap. XLI.

121

vel Ecclesie tue prejudicium generetur. Datum  
Laterani v. i. Nonas Maij, anno xi.

### C A P V T X L I .

Synopsis.

I. Adversus ea que suprà dicta sunt nonnulli quādam argumenta opponunt ut probent Arelatenses Episcopos nūquānam fuisse usos auctoritatem Vicarii apostolice sedis. Aperitur ratio concilianda istius contradictionis.

II. In re tamen adeo antiqua nihil afferri certi potest, nisi quod certum est extraordinariam illam Arelatensem Episcoporum auctoritatem viguisse à temporibus Zozimi usque ad sanctum Gregorium.

III. Ex capite Artaldus quidam colligunt Archiepiscopum Arelatensem fuisse subjectum Archiepiscopo Narbonensi. Viderunt Correctores Romani mendum heic esse, pronuntiaruntque heic agi de Episcopo Electensi, qui verè est suffraganeus Archiepiscopi Narbonensis. Sed illos ob hanc emendationem reprehendit vir illustrissimus Franciscus Bosquetus Episcopus Monpeliensis: qui retinendam esse putat vulgaram lectioinem, ut capit is eius auctoritate probet Arelatensem Episcopum fuisse olim subjectum Archiepiscopo Narbonensi.

IV. Certum est heic non agi de Episcopo Arelatensi, sed de Helenensi apud Ruscinones; qui sum erat Artaldo, us pater ex veteribus monumentis illorum temporum. Artaldo successit Ermengaudus.

V. Caput illud non posse intelligi de Episcopo Electensi hinc probatur quod aeo Vrbani II. nondum Episcopus institutus erat in monasterio Electensi.

I. **A**DVERSUS ea qua huc usque dicta sunt de eximia illa Archiepiscopori Arelatensem auctoritate quidam opponunt subscriptiones quorundam Conciliorum, & alia quādam veteris ævi monumenta, ex quibus colligi videtur aut vicariam illam dignitatem rem vanam ac futilem fuisse, aut certè eos illa nunquam usos fuisse. Sed si quis diligenter & accuratè expendere velit fidem rerum à nobis proditarum, inveniet profectò Arelatenses Episcopos verè usos esse ea auctoritate quam illis concesserant Summi Pontifices cum bona Principum venia. Perturbatus esse potest in vetustis codicibus, ut saepe accidit, ordo subscriptionum, ut jam adnotatum est à viris doctissimis. Præterea etiam fortassis erat publica Gallicana Ecclesia disciplina, ut tamenerit Vicariorum apostolicae sedis prærogativam agnoscerent, loco tamen non cederent, nisi quatenus ordinatione antiquiores erant.

II. In re tamen adeo antiqua & obscura nihil certi afferre possumus, nisi quod, ut diximus, certum est extraordinariam illam Arelatensem Episcoporum auctoritatem viguisse à temporibus Zozimi usque ad Gregorium Magnum; quamvis verum sit eam variis interim procellis jactatam fuisse, prout Romanis Pontificibus displicebat istorum Vicariorum audentia. Qua de re fusè differimus suprà, ubi occasio tulit.

III. Ceterum antè quām finem ultimum  
Tom. II.

imponam huic cause, res postulare videtur ut qui Arelatenses Episcopos ostendimus prælatos fuisse universis Episcopis Gallicanis, in primis vero Narbonensi, eum subtrahamus jurisdictioni Archiepiscopi Narbonensis, cui subjectum illum fuisse nonnulli colligunt ex capite Artaldus apud Gratianum, ubi sic legitur ex Gestis Urbani secundi: Artaldus Arelatensis Episcopus, Narbonensis Ecclesie suffraganus, Romam consecrandus ad Dominum Papam Urbanum venit. Suus quippe Archiepiscopus cum consecrare solebat &c.

Viderunt Correctores Romani mendum heic esse, pronuntiaruntque heic agi de Episcopo Electensi, qui verè est suffraganeus Archiepiscopi Narbonensis. Sed illos ob hanc emendationem reprehendit vir illustrissimus Franciscus Bosquetus Episcopus Monpeliensis: qui retinendam esse putat vulgaram lectioinem, ut capit is eius auctoritate probet Arelatensem Episcopum fuisse olim subjectum Archiepiscopo Narbonensi.

IV. Contrà certum est heic non agi de Episcopo Arelatensi, sed de Helenensi, sive Elenensi, ut tum scribebant, in finibus Galliae Narbonensis. Hanc emendationem, quæ aliqui manifesta est, aperit verutissima canonum collectio MS. quæ extat in Bibliotheca regia, ubi legitur: Artaldus Alanensis Episcopus &c. Præterea Artaldus sedebat in cathedra Helenensi anno m c. xviii. Kal. Octobris, ut constat ex Chartulario illius Ecclesie; & Concilio Nemausensi interfuit anno m c v i. mense Iulio, ut legitur in veteri charta MS. monasterij Rivipullensis in diœcesi Aulonensi. Helenensis porro Ecclesia tum suffraganea erat Ecclesie Narbonensis citra omnem controversiam. Oportuit autem Artaldum fuisse defunctum ante annum millesimum centesimum primum. Etenim Nonis Maij illius anni Ermengaudus Helenensi cathedralē præsidebat.

V. De Electensi porro sive Electensi Episcopo, tametsi sit sempèrque fuerit suffraganeus Ecclesie Narbonensis, istud caput intelligi non posse hinc probatur quod aeo Vrbani II. Electensis Episcopus nullus erat in provincia Narbonensi, qui beneficio dum Ioannis XII. institutus est in monasterio Electensi.

### C A P V T X L I I .

Synopsis.

I. Vicariatus Augustino Cantuariensi Archiepiscopo concessus fuit ut privilegium personale. Cantuarienses porro Archiepiscopi non nisi diu post ista tempora facti fuerunt Vicary apostolicae sedis.

